

chium ad litus maris constituit, Epidamnium verò ab eo aliquantulum distare scribit: hodie *Durasso* dicitur. Metropolim verò fuisse Ecclesiasticam legitur in ipso limine Concilii Chalcedonensis, quo Lucas Dyrrachii Metropolis novæ Epiri Episcopus dicitur. Eucarius etiam ejusdem civitatis Antistes Concilio Ephesino subscripsit.

XIX.
CORINTHUS
METROPOLIS
ACHAÏÆ.
a Pausania
lib. 2.
b Strabo lib. 8.

Corinthum inter nobilissimas Græciæ urbes numeratam nemo ambigit; ad Isthmum sita est, Ephyra prius dicta ab Oceani filia Ephyra, quæ auctore Pausania^a prima hanc regionem incoluit, vel ut putat Stephanus ab Ephyro Myrmæsis filio ex Epimeta uxore: sed huic postea Corynthis nomen indidit Corinthus Marathonis, vel ut Corinthiis persuasum est Jovis filius. Strabo^b vero hanc primum à Syfipho latrone Æoli filio conditam scribens, prius Corcyram nominatam esse ait, & Cicero pro lege Manilia orans hanc totius Græciæ lumen appellat. Eò revera potentia propter situs opportunitatem venit, ut vix Romæ, quantum ad luxum, ingluviem, libidinem & magnificentiam cederet. Hanc Metropolim Ecclesiasticam fuisse, ita clarè patet in subscriptio-

c Parte 3. Concil. Chalced.

nibus Epistolæ Synodicae^c Episcoporum Achaïæ ad Leonem Imperatorem, ut alia probatione non indigeat. Sic enim primo loco ejus Episcopus subscribit: *Petrus Episcopus Metropolis Corinthi, Sancta & consubstantialis Trinitas, quæ tuum genus ad munimen fidei Orthodoxæ, & salutem generis humani constituit, pium tranquillitatis tuæ longissimo tempore servet Imperium, venerabilis Imperator.* Imò multi non sine ratione hujus Episcopi Primatem fuisse credunt temporibus Gregorii Magni, huic Athenas & Patras Metropoles in Hellade & Peloponneso subjicientes: sed id certo pro his temporibus asseverare non ausim. Fateor Divum Gregorium misso ad Joannem Corinthiorum Episcopum Pallio, more majorum, ut scribit, Helladis Episcopis præcipere^d, ut huic subjecti maneant: *Pallium*, inquit, *Joanni fratri nostro Corinthiorum Episcopo nos transmississe cognoscite: cui vos magnopere convenit obedire, præsertim cum hoc sibi & antiquæ consuetudinis ordo defendat, & bona ejus, quibus ipsi testimonium perhibent, invitent.* At Helladem provinciam Ecclesiasticam à Peloponneso distinctam fuisse non satis constat, sicut nec Atheniensium Episcopum ejus Metropolitæ dignitatem consequutum.

d Greg. lib. 4. Epist. 55.

XX.
ATHENÆ METROPOLIS HONORARIA.
e Justinus lib. 11.
f D. Aug. de Civit. Dei lib. 18. cap. 8.

Athenas ut inter antiquiores, ita inter nobiliores civitates omnes posuere. Ante Deucalionis tempora regem habuit hæc civitas *Cecropem*, inquit Justinus^e, *quem ut antiquitas fabulosa est, bisformem tradidere, quia primus marem & minæ matrimonio junxit.* Sed audiamus Divum Augustinum^f, de hujus nomine non parum notanda scribentem: *Jam Minerva tamquam Dea celebratur regnante Atheniensibus Cecrope: sub quo rege etiam ipsam vel instauratam ferunt, vel conditam civitatem.* Quomodo autem Athenæ sic à Minerva dictæ sint sequenti capite docet ex Varrone, his verbis g: *Ut Athenæ vocarentur, quod certè nomen à Minerva est, quæ Græcè Ἀθίνα dicitur, hanc causam Varro indicat. Cum apparuisset illic repente olivæ arbor, & alio loco aqua erupisset, regem prodigia ista moverunt: & misit ad Apollinem Delphicum sciscitatum, quid intelligendum esset, quidve faciendum. Ille respondit, quod olea Minervam significaret, unda Neptunum: & quod esset in civium potestate ex cujus nomine potius duorum Deorum, quorum signa illa*

g Idem ibid. cap. 9.

h Conc. Chal. Can. 12.

Ὅσαι δὲ ἡδὴ πόλεις ἔσσαν, civitas vocaretur. Isto Cecrops oraculo accepto, cives omnes utriusque sexus (mos enim tunc in iisdem locis erat, ut etiam femina publicis consultationibus interessent) ad ferendum suffragium convocavit. Consulta igitur multitudo, mares pro Neptune, femina pro Minerva tulere sententias, & quia una plus inventa est feminarum, Minerva va vicit. Ita illa civitas, de victoria per feminas feminea Athenas nomen accepit. Tam illustrem porro urbem Metropolim Ecclesiasticam primis sæculis fuisse, saltem quantum ad honorem, & paulo post obitum Gregorii Magni eo probabilius est, quod veluti princeps civitatum Græciæ fuerit, & revera Metropolis Civilis apud Hieroclem in Synecdemo nominetur; decretumque legatur à Concilio Chalcedonensi^h, ut quæcumque civitates per litteras Im-

peria-